

四庫全書

史部

欽定四庫全書

史部

會稽志卷十一

詳校官監察御史臣沈孫璉

檢討臣德生覆勘

總校官知縣臣楊懋珩

校對官中書臣李 蔡

謄錄監生臣馬紹基

欽定四庫全書

會稽志卷十一

宋施宿等撰

泉

府城

清白泉在府西清白堂側范文正記云西巖下獲廢井
泉甘色白淵然大餘引不可竭王十朋賦云啜茗於
清白之堂漱齒於清白之泉

三汲泉在卧龍山麓泉甚淺不過有水數斗然汲盡已

復滿未嘗竭也舊在陸左丞園內今析為二其一歸
陸參議靜之其一歸司馬監丞僖

會稽縣

子真泉在梅山本覺寺泉味甘寒庶博士布嘗為書子
真泉三大字或疑子真隱吳市門不應在會稽然子
真方避禍棄妻子變姓名豈常在吳市門者故今會
稽多有子真遺迹

鄭公泉在縣五雲鄉去葛仙翁釣磯為近以鄭弘得名

水經云在若耶溪東方數丈冬溫夏涼輿地志云若耶鄭弘所居之側有鄭公泉弘雖居台輔常思故居曾病困思得泉水家人馳取飲少許便差泉有二脈滴瀝出石罅味極甘宜茶石之上為行路而泉注溪中非山僧野叟不能知其處

雲門泉在雲門山唐僧靈一詩云泉源新湧出洞澈映纖雲范文正公詩云林無惡獸住山有好泉來

菲飲泉在大禹寺側王龜齡詩云梵王宮近夏王宮一

水清涵節儉風越俗不知王好惡泉名恰在酒名中
真珠泉在少微山齊祖之家山十詠泉其一也

苦竹泉在秦望山側曾文清墓林多苦竹泉出其下泓
潔宜茶

傅公泉在射的山給事中傅公崧卿先墓因地坎窪鑿
池蓄水每上冢以煎茗浣祭器池縱五尺衡六尺深
半衡之數泓潔甘美遇旱不涸士夫咸謂可以方公
清德遂目之曰傅公泉

山陰縣

半月泉在法華山天衣寺側唐李公垂詩云殿湧全身塔
池開半月泉姚氏叢語云泉隱巖下雖月圓池中只
見其半最為佳處紹興初僧法聰鑿開巖上名曰滿
月甚可惜也

嵎縣

偃公泉在明心院側僧仁偃施水於此得名王龜齡詩
云泉自何時得得名從偃公誰能繼張陸為載水經

中

沸泉在溪坑一穴周二三尺常如湯沸自下滾起四時不竭

餘姚縣

姜女泉在姜山泉流清冽常有木葉蔽其上或去葉泉濁

華清泉在縣北陳山元豐中楊景模顧臨來游酌泉賦詩於此

龍泉在靈緒山龍泉寺上王荊公絕句所謂天下蒼生
望霖雨不知龍向此中蟠也有大字刻泉旁蓋後人
倣公書非真筆高宗皇帝巡幸時嘗泊御舟于寺前
江中識者以為龍蟠之識

白水泉在縣西南四明鄉山壁環繞峭立上有溪流四
十二條自絕頂投空而下冬夏水聲不絕

新昌縣

象泉在慧雲寺姚祐云飲鹿花開壯此山遊人多作慧

泉看

杖錫泉在縣東沃洲山下唐僧靈澈之故迹

井

府城

鰻井在寶林山舊經云井有靈鰻一或時出現黑客揮
犀云越州應天寺鰻井一在磐石上其高數丈井纔
方數寸乃一石竅唐徐浩詩云深泉鰻井開即謂此
鰻時出游人取之置懷袖間了無驚猜如鰻而有鱗

兩耳甚大尾有刃迹相傳黃巢嘗以劍刺之凡鰻出
遊越中必有水旱疾疫之災鄉人嘗以此候之華安
仁攷古云飛來山下石井大如盆盂無耗溢有二鰻
文彩煥爛世言下徹滄海好事者以彩綫懸錢探之
極兩絕不得其所止

錢王井井凡數十大抵多在五雲稽山門外以石甃水
高於地霖潦不溢大旱不涸方暑時行路甚以為患
傳以為吳越王時所浚蓋不可攷然至今俗謂之錢

王井

葛仙丹井在雲門淳化寺佛殿西廡之外僧房中泉味甘寒冠一山唐顧況詩云野人愛向山中宿況在葛洪丹井西門前有箇長松樹半夜子規來上啼即此井也松已槁死六十年前故老猶有見之者唐詩人又有句曰月在山中葛洪井晁文元公愛賞之今有松偃蹇夭矯如龍正覆井上若護此泉者真可異也但僧輩頗戕其小枝為可惜耳

陸太傅丹井在法雲寺佛殿前少東太傅昔以直集賢院守鄉邦晚謝事居寺東魯墟故廬辟穀煉丹專汲此井用之辟穀十餘年容髯氣力皆不衰丹已八轉忽變化飛去太傅乃洗爐鉢水飲之數日不疾而逝又以餘水分諸孫飲者三人中大似年八十六祠部傅年九十承奉倚年八十三

方井在通判北廳卧龍山足齊祖之有新井詩今名卧龍泉

會稽縣

禹井在縣東南會稽山山海經注會稽郡山陰縣南山
上有禹井水經云山東有硯去廟七里謂之禹井

葛仙翁井在縣東南禹穴側宋之問詩云著書惟太史
鍊藥有仙翁華安仁攷古云葛稚川鍊丹於宛委山
下有遺井大如盆盂其深尺許清泉湛然

歐冶井在劍浦山齊唐錄鑄浦事云歐冶子始鑄神劍
之所有淬劍大井存焉

山陰縣

何公井在雲門山西梁何胤所居也宋之問詩云樵徑
謝村北學井何巖東

蛟井舊傳井有三蛟故名

嵯縣

蛟井在縣南穿山下井有蛟故名近井有鎮市居民烟
火數百家

趙廣信井在縣西小白山仙人趙廣信鍊九華丹於此

諸暨縣

鷗夷井在淨觀院側嘉祐中吳處厚廟碑云陶朱公俗傳諸暨人今淨觀院其故居也鄉曰陶朱井曰鷗夷皆以公得名

丁令威井在縣東北咸通寺側

硯水井在永福寺梁武帝讀書堂井尚存

蕭山縣

金泉井在縣西今為居民徐氏園每縣務醞酒取汲於

此士大夫家釀亦多用之故縣多名酒所謂釀泉為酒泉香而酒冽者信有之

潘井在縣西南七里井高於路數尺其水可掬寒暑未嘗竭漢地里志注云蕭山潘水所出東入海意水源或出於此寰宇記云疑浦陽江之別名

上虞縣

舜井在縣西北三十五里興教寺傍有象田或者以為的對

上虞縣即此井也

焦家井舊經云晉焦贛卜地穿此井水味甚甘

柴家井在縣西一十里

蕭家井在縣東一里等慈寺本梁蕭氏所捨宅也

龍頭山井在縣東山崖間水經云石井冬夏常冽清泉
南帶長江北連上陂

新昌縣

石井在縣東天姥山下

齊公井在縣南五里南明山之東麓俗云齊相井唐齊

顗所居山中有十五題井其一也

按齊顗不為相俗傳誤也

洞

會稽縣

陽明洞天在宛委山龍瑞宮舊經云三十六洞天之一洞也一名極玄太女之天唐觀察使元稹以春分日投金簡於此詩云偶因投秘簡聊得泛平湖穴為

探符圻潭因失箭剗白樂天和云去為投金簡來因
挈玉壺洞外飛來石下為禹穴傳云禹藏書處一云
禹得玉匱金書於此史記司馬遷探禹穴注云禹巡
狩至會稽因葬焉上有孔穴民間云禹入此穴水經
云山東有硯深不見底東遊者多探其穴今無攷詳
見宛委山

風洞在刻石山遇陰雨聞鼓樂聲

玉洞在劍浦山齊祖之詩云白石洞間路吾家在其中

琴窗與書閣一半是雲封

嵯縣

金庭洞天在縣東南天台華頂之東門也道經云越有
金庭桐柏與四明天台相連神仙之宮也唐裴通記
云剡中山水之奇麗金庭洞天為最其洞即道門所
謂赤城丹霞第六洞天也按上清經洞天在天台桐
柏山中辟方四十里其北門在此小香爐峯頂人莫
見之又云晉王右軍家于此山書樓墨池舊制仍在

南齊道士褚伯玉於此置金庭觀乃右軍之家也通
留詩云寂寂金庭洞清香發桂枝魚吞左慈釣鷺踏
右軍池華云周王子晉善吹笙為鳳凰聲從浮邱登
嵩高而羽化緱山去後主治天台華頂號白雲先生
往來金庭風月之夕山中有聞吹笙者

諸賢縣

玉京洞在洞巖吳處厚詩云秉燭攜筇步步前玉京迢
遞訪神仙四時自有壺中景一罇都迷物外天時刁

景純同遊

仙巖洞在五泄山宋禧留題云翠巖仙洞白雲深躡石捫蘿一訪尋縣令劉述禱雨於此亟應有詩云英英洞口雲觸石纔一縷須臾徧空山霈然作霖雨

餘姚縣

潺湲洞在四明山陸龜蒙皮日休有唱和

石人洞在縣東北石人山洞北向高廣各六尺許常若掃溉其石壁如粉昔有浮屠裹糧持炬而入越信宿

出洞中邃杳不可窮其底聞櫓聲而迴

吳山洞在縣東北吳山面滄海巨浪激撞巖石嵌空旁

產牡蠣

上虞縣

薔薇洞在東山李白詩云不到東山久薔薇幾度花白
雲他自散明月落誰家我今攜謝妓長嘯謝人羣欲
報東山客開闢掃白雲王性之記云謝文靖攜妓游
戲之地雖草莽蒙塞然古色不改宛有六朝氣象

仙姑洞在縣東南一名鳳鳴洞昔有仙人乘鸞鶴來下
後人立廟祠之號鳳鳴洞主洞濶丈餘周數十步高
十餘丈雙崖峭立懸石如磬飛瀑濺沫常若風雨歲
祈禱有驗

新昌縣

真溪洞在縣東洞高四尺濶三尺深不知其底有持炬
入者僅數十步風自洞出疾甚炬滅竟不得入匝洞
舊植碧桃花時可愛今桃蹊寢廢

石

會稽縣

甕石在禹祠舊經云禹葬于會稽山取此石為甕後人覆以亭屋有古隸不可讀宣和中楊時有題名秦少游禹廟詩云一代衣冠埋甕石千年風雨鏤梅梁

葛仙石在縣東若耶溪葛稚川常投竿坐憩于此謝康樂兄弟皆常遊每至此酬唱忘歸華安仁詩云聞說風流謝客兒鵲原相應日忘歸仙翁遺迹雲深處攜

手行吟送落暉

秦始皇坐石在會稽山南輿地志云方石數丈是始皇坐其兩邊方石八所是丞相已下坐蓋俗傳云爾

酒甕石在射的山足三石品峙其狀如甕舊經云巨石

三在鏡湖東時人謂之秦皇酒甕石

齊祖之鑄浦錄云絕湖而濟巖壑相望雙石若甕號秦皇酒甕華安仁攷古集云若耶溪傍雙石如甕而大世言始皇之所遺也今甕石實有三與齊華二公所記不合以舊經為正

西施石在若耶溪一名西子浣紗石唐王軒詩云嶺上

千峯碧江邊細草春今逢浣紗石不見浣紗人宋之
問云越女顏如花越王聞浣紗國微不自寵獻作吳
宮娃一行霸勾踐再笑傾夫差一朝還舊都艷粧驚
若耶

杜牧詩云西子下姑蘇一舸逐鷗夷東坡詞云五
湖聞道扁舟歸去仍攜西子姚令威叢語云嘗以
此問王性之性之云西子自下姑蘇一舸自逐鷗
夷不可云范蠡將西子去也吳越春秋云吳亡西
子被殺如宋之問詩中所述則西子平吳後還會
稽也說不同俱存之雲溪友議郭素儼王軒事怪
僻今不取

岑石在刻石山越絕云秦始皇三十七年以正月甲戌
到大越取浙江岑石長丈四尺南北面廣六尺三寸
東面廣四尺西廣尺六寸刻石于東山上其道九曲
去越二十里

落星石在曹娥江高七八尺每江潮至石輒不沒舊傳
云星殞而結石也

舊經落星石有二一在會稽一在餘姚皆星殞所
化也按曹娥江乃二邑接境此石居江之中流屬
會稽縣今繫于此歐陽文忠嘗得吳越國封落星
石為寶石山其制稱寶正六年知其嘗改元也然

落星石吳越地間有
之其制所封石未詳

石傘在會稽山之別峯唐顧況銘云亭亭石傘有物有
名如蓋若傾如芝一莖石傘山東山銜日宮石傘山
西山銜月宮南巒北阜首出屹雄齊抗於峯下置書
堂後為精廬今壽聖院有齊相書屋遺址存焉元和
初楊於陵與其屬來遊賦詩刻石熙寧初元厚之留
題云竒峯如傘見遙青玉筍山頭地有靈三徑荒涼
丞相隱一篇清絕放夫銘抗裔孫唐有石傘書堂詩

見少徵集

飛來石在禹穴側石上有唐宋名賢題名碑鄉云賀知章題名在龍瑞宮此石所鐫者

研朱石在宛委山側華初平云葛稚川既仙去遺朱研於玉笥山得丹砂之力歲久彌大今為一巨峯

鳳凰窠石在寶山西石有一圓竅深一尺廣四尺俗傳鳳毓二雛自此而能翔傍有上鳳村下鳳村

新婦石在縣東會稽之巔

石旗在白鶴山側山有石屋砥平可容數十人建炎中士大夫避地于此多得全形如張旗故名

胡繇石在射的山下臨樵風涇涇水漲石常不沒里人以此候水之分寸

蝦蟆石在宛委山與龍瑞宮對昔宮廩失粟蹤跡莫知盜者有方士言竊食者朝山之異物也羽流信之命工鑿石口果驗

山陰縣

羊石在縣西吳越脩史光啓二年錢鏐使游奕崔則守
羊石

磨鏡石在鏡湖任昉述異記云鏡湖世傳軒轅氏鑄鏡
湖邊因得名今軒轅磨鏡石尚存石畔常潔不生蔓
草吳虎臣漫錄云湖以鏡名恐不然蓋鏡湖之水平
如鏡面唐人詩中謂之天鏡者是也湖之上源名平
水亦此義

石城在石城里吳越脩史乾寧三年錢鏐討董昌攻石

城去越三十里即此

嵯縣

石床在縣北謝靈運垂釣於此

馬蹄石在縣東北傳云秦始皇東巡經此馬蹄所踐跡也

諸暨縣

石屏在五泄山嘉祐中丁寶臣題云天作錦屏環十里僧開朱屋面千峯

石鼓在五泄山巔狀如鼓擊之有聲

石門在縣西僧咸潤詩云雙峯起雲際彷彿五侯門

浣紗石在苧蘿山下一名西施石寰宇記山下有石迹
本西施浣紗之所今浣紗石猶在舊經引輿地志苧
蘿山西施所居有方石乃瞰紗處十道志句踐索美
女以獻吳王得諸暨苧蘿山賣薪女西施山邊有浣
紗石又云苧蘿乃所居處紗蓋布紗非紗帛之紗也

寰宇記十道志及舊經所載西子居諸暨苧蘿山
輿地廣記云越人西施出於蕭山蓋蕭山昔永興

縣吳常改諸暨為永興而二邑疆界交接芋蘿山二邑皆有之諺云牛頭芋蘿一日三過今牛頭山亦屬蕭山也寰宇記諸暨縣巫里句踐得西施之所至今有西施家東施家以舊經諸志所載則西子家宜在諸暨故今繫之

餘姚縣

石窗在四明山虛明如牖唐陸龜蒙詩云石窗何處見萬仞倚晴虛皮日休詩云樵中空吐月扉際不扃霞盤羅石在上林湖仙居山其平若掌可坐數人石旁有广广有峭壁旁產長生草掇之着几案間者久而枯

乾沃之以水則榮翠如初

石龜在縣獨鳳亭其地多生古苔梅

上虞縣

雙笋石在釣臺山通澤廟側石雙立各數百尺其巔有
異花若人立而冕者每杜鵑花開爛若霞錦里人競
觀之齊唐序贊國朝祖宗三后登格皇穹花枯魂者
各三今復韡如俗以為神華安仁詩序云廣利侯祠
宇得山中之勝前有雙石笋對峙溪上花時爛若霞

錦照映山谷

蘭峯石太平御覽云上虞縣龍頭山上有蘭峯頂盤石
廣丈餘葛洪嘗坐其上

葛仙馬蹄石在縣西南石在道旁跡如馬蹄其一蹄常
有泉脈不竭

藥白石在縣西南石窟凡五小者受一二升大者受一
斗許俗云葛仙翁藥白石也傍有三石鼎峙昔仙翁
嘗滌藥于此水底石如碎丹砂流去復生他水皆受

穢惟此溪澄澈纖塵不棲亦一異也

銚架石即藥白傍黃石也形如銚架故名

煉丹石在太平山巔石有三圓竅深各一尺許俗傳云
葛稚川鍊丹于此

葛稚川石室在太平山室廣數丈高丈餘其室析為二
俗傳稚川所居也傍有庵址吳道士干吉卜築於此
新昌縣

石狻猊在南明山二石對峙如異獸嘉祐中僧顯忠詩

云亭除兩狻猊一仰復一俯世傳智顗死二獸來瞻
覩遂巡化為石埋沒在深土事怪因難詰但見形可
取

津渡

會稽縣

豐山渡在縣東六十五里

曹娥渡在縣東七十二里

杜浦渡在縣東七十里

東小江渡在縣東南九十里

舊渡在縣東三十里

新渡在縣東三十里

倉塘渡在縣東五十里

富盛渡在縣東四十里

上竈渡在縣東南三十里

延德江渡在縣東南八十里

本總渡在縣東一百里

田家渡在縣東五十里

水江渡在縣東一百里

山陰縣

蘭亭渡在縣南二十五里

離渚渡在縣西南三十里

嵯縣

東津渡在縣東一里

西津渡在縣西南二里

南津渡在縣南一百五十步

胡塍津渡在縣南一十五里

餘姚縣

陸家渡在縣東四里

邵家渡在縣東一十里

鄒家渡在縣西一里

啞兒渡在縣西五里

霍家渡在縣西七里

方家渡在縣西十里

徐家渡在縣西一十二里

吳家渡在縣西一十五里

邵家渡在縣西二十里

郭家渡在縣西三十里

沈家渡在縣西三十五里

燭溪渡在縣東北二十里

黃沙渡在縣東北三十里

上虞縣

百官渡在縣三十里

梁湖渡在縣二十五里

趙村渡在縣六十里

橫汀渡在縣四十里

羅家渡在縣四十里

指石山渡在縣四十里

濠渡在縣三十五里

浦口渡在縣四十里

蔡山渡在縣三十五里

華家渡在縣一十里

虞大渡在縣一十二里

方家渡在縣二十二里

姚家渡在縣一十五里

安家渡在縣一十五里

新昌縣

三溪渡在縣東一里

橋梁

府城

府橋在府門東蓬萊館前舊東亭橋

通泰橋在府城東北今名新橋

府西橋在府城東北市會稽縣西

甲子橋在府城東南舊開元宮甲子真君堂址與其坊

名偕存

集商橋在府城東

馬坊橋在府城東南

羅紋橋在府城東教場後

蓮河橋在城東天慶觀後

都亭橋在城東禮遜坊傍有廢井傳云薊子訓賣藥之所也越絕云秦始皇東游之會稽以甲戌到大越舍

都亭都亭之名始此

蕭山縣亦有都亭未知孰是

吳伯橋在城東鍾離坊內

鍾離橋在城東東漢鍾離意山陰人仕至尚書僕射此其所居至唐鍾離牧意七世孫

竹園橋在禮遜坊昔紀伯與陳翥隣修藩籬侵其地翥不與較又益與之伯慙亦退避號義里此其地也

紡車橋在城東觀音寺側

鏡水橋在城東趙處士仲微所居事見隱逸

斜橋在城東北其下多客邸四明舟楫往來所集

小江橋在城東北

昌安橋在城東北吳越脩史乾寧三年錢鏐攻昌安門
橋因門而名

長橋在城東北支鹽倉側西

東雙橋在府城東

開元寺前橋在城東一名坊口橋

落星橋在府城東祥符寺前

辭雲橋在府城東南

越仙橋在府城東北

潘師橋在府城東廣陵坊

濟川橋在府城東

望星橋在府城東南

五接橋在府城東南

落碧橋在府城東

大夫橋在東郭唐張志和居也

詳見玄
真子宅

廣寧橋在長橋東漕河至此頗廣居民鮮少獨士人數

家在焉紹興中有鄉先生韓有功復雨為士子領袖

暑夜多與諸生納涼橋上有功沒有朱襲封元宗追懷風度作詩云河梁風月故時秋不見先生曳杖遊萬疊遠青愁對起一川漲綠淚爭流蓋城上正見南城諸山也襲封亦修潔士云

題扇橋在戴山下王右軍為老姥題六角竹扇人競買之事見山類然今郡人但謂之蒲扇橋華安仁考古云舊橋在解慍坊

大慶橋在城東南以傍有大慶寺故名

景明橋在城東南

大雲橋在府城東南舊大雲寺前

南堰橋在府城南

廟橋在府城南錢武肅王廟側

捨子橋在府城東南龜山下

南店橋在府城東南

市門橋在府城東

龍興橋在城東南以龍興寺故名

通市橋在府城東俗名鵞鴨橋

清道橋在南市

觀橋在城東開元宮側

蕙蘭橋在府城東

獅子橋在府城東北

西雙橋在府城東北

水澄橋在府城東北

新河橋在府城東北

江橋在城東北寰宇記引山陰記云江橋乃宋江彪所居之地因以名焉今郡人乃以為江文通故居

謝公橋在新河坊以太守謝公

闕

所置故名

官海橋在城東北

光相橋在城西北

北海橋在城西北俗傳唐李邕寓居之地

火珠橋在火珠山下

新營橋在府城東北

拜王橋在獅子街舊傳以為吳越武肅王平董昌郡人
拜謁于此橋故以為名

平橋在山陰縣側

斗門橋在府城

稱心橋在府城

望城橋在府城

鯉魚橋在府城西北

錦鱗橋在府城西北

教場橋在府城東南

倉橋在府城東北

萬安橋在新河蜀馮氏居于河之北築園于河之南作橋以通往來

酒務橋在府城東南

大善橋在府城東北

車水橋在府城南

蓮花橋在府城南司理院前

清冷橋在府城西南西園門口

章家橋在府城東南

暗橋在府城東南

黃泥橋在府城東南

塔子橋在府城東南

馬五橋在府城東南鍾離巷口

大郎橋在府城西南

石灰橋在府城東北

滑橋在府城東北

鄉橋在府城東北俗謂朱買臣還鄉始作此橋故名鄉橋其說傳會不足取

黃甕橋在府城東

望花橋在府學前其傍地名上原多以藝花為業橋蓋以此得名

禹跡寺橋在府城東南

圓通寺橋在府城東南

顧家橋在府城南

鹹酸橋在府城東南

八字橋在府城東南兩橋相對而斜狀如八字故得名

藕梗橋在府城東南

九節橋在府城東南光孝觀前

八仙橋在府城

朱家橋在府城東南

小虹橋在府城

闕

草貌橋在府城東舊傳此地
在州城外俗謂征稅之所
為貌此以在郊故為草貌

黃鐵頭橋在府城東北

鮑家橋在府城東南狀元坊裡

安寧橋在府城東北

繫錦橋在府城

張斗橋在府城東南

草子橋在府城

馮家橋在府城

會稽縣

靈汜橋在縣東二里石橋二相去各十步輿地志云山陰城東有橋名靈汜吳越春秋句踐領功於靈汜漢書山陰有靈文園此園之橋也自前代已有之汜一作圯唐李公垂詩云靈汜橋邊多感傷水分湖派達回塘元微之詩云靈汜橋邊百里鏡石帆山嶠五溪雲尚書故實辨才靈汜橋巖遷家赴齋蕭翼遂取蘭

亭俗呼為靈橋

臯步橋在縣東一十五里自橋東趨上下臯步

東城橋在縣東六十里

塔橋在縣東五十五里

三橋在縣東南五里有橋三其中橋有亭匾通濟今鏡湖分東西以此橋為限然以地勢言之恐亦非古

五雲橋在縣東二十六里有亭溪山奇麗舊跨溪今在平陸矣

平水橋在縣東二十五里其南為平水市二小橋通諸
暨嵯縣

雲門橋在縣東南三十五里若耶溪南傍有仙翁釣磯
宋考功之問詩曰雁塔竊金地虹橋轉翠屏謂此自
橋東百餘步又有小石橋架亭其上匾麗句亭

寒溪橋在縣東四十里

董家橋在縣東一十五里

大凌家橋在縣東七里

小凌橋在縣東七里

馬山橋在縣東北二十里

樊江橋在縣東二十五里

梁湖橋在縣東六十里

丁家橋在縣東六十里

俞家橋在縣東六十里

石旗中興橋在縣東一十八步一百里

洞亭橋在縣東一十五里陽明洞前架小亭其上自橋

東數十步又有鬪牛觀山二橋入龍瑞宮

告成橋在縣東一十里橋東禹祠

千秋橋在縣東六里橋側千秋觀

拓馬橋在縣東六里

阮家石橋在縣北八十里

孫家橋在縣東北八十里

石新橋在縣東北八十里

丁橋在縣東北八十里

和尚橋在縣東北八十里

竇家橋在縣三十五里

富盛橋在縣東四十里

鳳凰橋在縣東六十里

壽寧橋在縣東六十里

二鄉橋在縣東六十里

植利橋在縣東六十里

山陰縣

瓜咸橋在縣西九里

西跨湖橋在縣西六里上有亭傍有浮圖

跨河橋在縣西北八里

官瀆橋在縣西北九里

杜浦橋在縣西北一十一里漕河傍自此而南煙火無

際鷗鷺翔集過三山遂自湖桑埭入鏡湖

黃城東橋在縣西北一十三里

黃城西橋在縣西北一十五里

柯橋在縣西北二十五里文選伏滔長笛賦序云蔡邕
避難江南宿柯亭之館取屋椽為笛注柯亭在會稽
郡宋褚淡之為會稽太守孫法亮等攻沒郡縣淡之
破之于柯亭賊遂走永興柯亭即此地也漢地志上
虞縣仇亭柯水東入海然俗傳柯水即此

魯墟橋在縣西北一十三里南為漕河北抵水鄉如三
山古澤南莊之屬又北為漕河漕河之北復為水鄉
渺然抵海謂之九水鄉蓋大澤也曾文清詩云談誇

水鄉勝謂不減吳淞卽此是也

梅市橋在縣西北二十里唐趙嘏贈山陰叟詩云住近
梅橋市嘗稱魯國人

蘭亭橋在縣南二十五里晉王右軍修禊處橋下細石
淺瀨水聲晝夜不絕跨橋爲含暉亭吳長丈題詩云
秦望奇峯碧天章古寺東石橋跨驚瀨雲屋麗層穹

阮社橋在縣西北三十里

餘丈橋在縣西北四十五里

板橋在縣西北四十五里

賓舍橋在縣西北六十六里

錢清橋在縣西北五十里

廣溪橋在縣西北五十二里

宣橋在縣西北五十五里

西小江浮橋在縣西北五十五里

高橋在縣南二十五里

亭山橋在縣南二十五里

橫塘橋在縣南二十五里

大洪橋在縣南四十里

稽山橋在縣南一十五里

上橫橋在縣西南二十七里

虹橋在縣西七里迎恩門外

萬家橋在縣西四里

大驛橋在縣西五十六里

嵯縣

廣陵橋在縣北一里

謝公橋在縣西一里俗傳因康樂得名三大字乃後人所題額橋下泐溪斗門

楊公橋在縣北一里

直瀆橋在縣東一十五里

茆岸橋在縣西一十五里

十五板橋在縣西一十三里

新宮橋在縣西一十五里

和尚橋在縣東一十三里

浦橋在縣西一十里

高古橋在縣西一十二里

望仙橋在縣北四十里

諸暨縣

通遠橋在縣南六十步唐大厯中建

放生橋在縣南三里

義津橋在縣南二百步唐天寶中縣令郭密之建後人

改區今名

豐江橋在縣南六十五里

雙橋在縣東北一十四里

跨江橋在縣東一十里

苦李橋在縣東二十六里

櫟橋在縣東四十里

楓橋在縣東北五十里

干溪橋在縣東北六十二里傳以為吳方士干吉所居

竹橋在縣北一十里

觀湖橋在縣西北一十五里

下黃橋在縣西南三十里

蕭山縣

夢筆橋在縣東北一里天監四年葉道卿記云初齊建元中左衛江公捨所居宅為大福田斯橋之興與寺偕始天聖_闕號之二年李君以廷尉評宰是邑創橋表寺自橋三十步至昭玄寺今覺苑寺是也

真濟橋在縣北一百步舊都亭橋

新橋在縣西北一里

雙峯橋在縣東四十五里運河上一名方家橋

白鶴橋在縣東三十五里

小江橋在縣東四十里

倉橋在縣西一十二里

望峯橋在縣北一里今廢

高遷橋十道志云董襲見孫權于此寰宇記云吳志孫

策入郡郡人迎於高遷注永興有高遷橋今廢

餘姚縣

德惠橋在縣南一十步舊曰虹橋崇寧五年邑人莫若
鼎始創橋大江無柱高數丈其傍有碑云海舶過而
風帆不解其高大可見也建炎末兵火遂壞至紹興
初重建雖稍不逮昔尚為壯觀淳熙戊戌王司業來
捐已帑新之

秘圖橋在縣北一百步

小秘橋在縣北一百一十步

永濟橋在縣東二里二百步舊黃山橋一名善政橋

蘭墅橋在縣西南二里

楊溪橋在縣南一百三十步

後清橋在縣北一里

客星橋在縣北一十里舊安山橋以近嚴子陵墓故易

今名

孫埭橋在縣西一十五步舊孫浦橋

陸浦橋在縣西一里二百步

白鶴橋在縣西二里

休光橋在縣西一十五里

石牌橋在縣東八里

大川橋在縣東一里

汪姥橋在縣東

黃橋在縣西二百步水經云江東逕黃橋下注黃昌宅

橋也

明星橋在縣南

戰場橋在縣南四里宣和中縣率兵戍此以拒魔寇故

名

隱鶴橋在橋東南一十五里

赤石橋在縣東一十二里

上虞縣

通利橋在縣東南一百步舊通村橋紹興間王吏部義

朝重建

虹橋在縣東南一百五十步

清河橋在縣東南一里

等慈橋在縣東一里

浴堂橋在縣東一百七十步

東黃浦橋在縣東二里

西黃浦橋在縣西二里

姜家橋在縣西五十步橋南有測水牌

新橋在縣西二十里

百官橋在縣西北三十五里寰宇記云越州餘姚舜橋
避丹朱於此百官候之故亦名百官橋晉太康地記
云舜避丹朱於此故名縣百官從之故縣北有橋繇
此十道志上虞縣百官橋一名舜橋橋雖以舜得名
然謂避丹朱於此非也

舜生于諸馮遷于負夏卒于鳴條孟子以為東夷
之人史記舜耕歷山漁雷澤陶河濱其地宜皆在
冀方也今縣有舜橋百官里以
舜文庶封于此故名詳見山類

觀橋在縣南一里東即天慶觀

板橋在縣南八里

楊橋在縣東一百五十步俗傳曹操與楊修讀書曹娥碑後修為曹操所忌殺之橋因修得名

學堂橋在縣西北四十里俗傳朱買臣讀書堂也傍有洗硯池朱侍中廟

大夫橋在縣北三十里

酒務橋在縣東一里

分金橋在縣西六十里傍有義遜院

望稼橋在縣東二里今廢

清通橋在縣東南二里一百步

營老橋在縣東一百五十步

安民橋在縣東五十步

孟宅橋在縣東南一里三十步漢孟嘗所居也華安仁詩云漢上還珠太守家小橋斜跨碧流沙

新昌縣

石牛橋在縣西一里

石橋在縣東七十里舊經引剡江東經石橋廣八丈高四丈下有石井逕七尺橋上方石長七尺廣二丈二尺橋端有磐石可坐二十人溪兩傍悉高山山有石壁二十餘丈溪水攻撞聳響外發聲聞數里輿地志云剡東百里有石橋里人傳云舊路自石笥入天姥今石笥橋下一大井與水經頗合疑今石橋即昔之石笥橋也

司馬悔橋在縣東南四十里一云落馬橋舊傳唐司馬

子微隱天台山被徵至此而悔因以為名竊謂此橋
當表而出之足為處士輕出者之戒



會稽志卷十一

欽定四庫全書

史部

會稽志卷十二

詳校官監察御史臣沈孫璉

檢討臣德生覆勘

總校官知縣臣楊懋珩

校對官中書臣李 孫

膳錄監生臣馬紹基

欽定四庫全書

會稽志卷十二

宋 施宿等 撰

八縣

望會稽縣本山陰縣地隋廢山陰更置會稽縣為會稽郡治唐垂拱二年復分置山陰並在府郭下東西一百二十四里南北一百三十里

東至上虞縣界九十二里以東小江中流為界自界至上虞縣二十八里

西至山陰縣界六步以運河中流為界自界至山陰縣五百五十步

南至嵯縣一百五十里以杉木嶺為界自界至嵯縣五十五里

北至海二十里過海北岸接嘉興府界

東南到嵯縣界一百四十里

西南到山陰縣界三里一十步

東北到上虞縣界七十五里

西北到山陰縣界三里二步

道路

水路附

東路來自上虞縣界經縣界九十三里而入山陰縣界

南路來自嵯縣界經縣界一百六十里北至海岸過海入嘉興府界

東南路來自嵯縣界經縣界一百七十里而入山陰縣界

西南路來自山陰縣界經縣界一百五里東北入上虞縣界

曹娥江路南來自上虞縣界經縣界四十里北入海勝五百石舟

若耶溪路南來自縣五雲鄉界經縣界二十五里北入鏡湖勝五十石舟

一十四鄉

坊郭鄉

舊名稽山

管里二

待賢里 德政里

鳳林鄉在縣東二里管里三

西施里 鏡水里 石亭里

雷門鄉東西兩管在縣東北一十三里管里四

上臯里 臯平里 石瀆里 長樂里

上亭鄉在縣東北二十二里管里三

上許里 靜志里 淳墅里

袁孝鄉在縣東三十五里管里一

通德里

廣孝鄉在縣東四十里管里二

蘓墟里 崇德里

曹娥鄉在縣東北四十五里管里二

福嚴里 箬林里

延德鄉在縣東北八十里管里一

西岑里

富盛鄉在縣東五十里管里一

積下里

千秋鄉在縣東南六十里管里二

稽山里 城南里

太平鄉在縣東南一百里管里四

章汀里 全節里 太平里 蒿山里

德政鄉在縣東南一百一十里管里三

太欽里 赤石里 奉化里

五雲鄉東西兩管在縣東南一十二里管里二

石帆里 西施里

東土鄉在縣東南七十里管里三

美箭里 謝公里 迴潭里

淳熙中有發地得唐阿史那夫人墓誌稱葬會稽縣萬歲里今無此名或謂政和間避萬歲之語故改如京兆萬年改樊川縣之類其實不然按舊經已無此名則不始於政和明矣

城池

縣牆周二里二十步

解舍

知縣解在府東一里有寬簡堂知縣事廬陵歐陽伋
建

丞解在縣東大德坊

主簿解在縣內西偏

尉解在縣東七里靈汜橋左

曹娥巡檢解監曹娥鹽場解並在縣東南七十二里

鎮

三界鎮在縣東南一百二十里

東城鎮在縣東六十里今廢

場

曹娥鹽場在縣東南七十二里

望山陰縣本越王句踐之都會稽土地志曰邑在山陰故以名焉東西九十八里南北一百一十八里

東至會稽縣界一百五十步以運河中流為界自界

至會稽縣六步

西至蕭山縣界五十三里以西小河中流為界自界
至蕭山縣五十里

南至諸暨縣界七十里以古博嶺為界自界至諸暨
縣一百四十三里

北至海一百五里海北岸即嘉興府界

東南到會稽縣界一百六十六步

西南到蕭山縣界五十八里

東北到會稽縣界五十八里

西北到蕭山縣界四十七里

道路

水路附

東路來自會稽縣界經縣界五十四里西入蕭山縣界

南路來自諸暨縣界經縣界二百二十里至海岸過海入嘉興府界

西小江水路東南來自諸暨縣界經縣界五十五里

西北入蕭山縣界勝舟五百石

運河水路東來自會稽縣界經縣界五十三里一百六十步西入蕭山縣界勝舟五百石

一十四鄉

坊郭鄉

舊名鏡水

管里四

大雲里 市南里 北海里 新河里

迎恩鄉

舊名永昌

在縣西北二十五里管里四

蘭土里 明福里 會昌里 苦竹里

靈芝鄉東西兩管在縣西北二十五里管里八

袁賓里 賓祐里 萬歲里 禹川里 盡祐里

埭石里 北瀆里 溝瀆里

感鳳鄉在縣東北二十六里管里二

永仁里 玉筍里

巫山鄉在縣東北二十八里管里五

朱尉里 永仁里 鹿山里 塗山里 石城里

溫泉鄉東西兩管在縣西北二十八里管里三

懷信里 興德里 崇業里

梅市鄉在縣西北二十九里管里三

梅福里 永新里 寶盆里

旌善鄉在縣西北三十里管里二

敬忠里 周嘉里

承務鄉在縣西南二十七里管里二

洪漸里 道泰里

禹會鄉在縣西北五十里管里一

廣陵里

清風鄉在縣西北八十里管里二

清化里 駱思里

安昌鄉在縣西北八十一里管里二

齊賢里 東林里

新安鄉在縣西南一百里管里一

調山里

天樂鄉在縣西南一百二十里管里四

方山里 馨浦里 斯裏里 利竿里

城池

縣墻周一里八十步高一丈二尺六寸

見舊經
今不存

解舍

知縣解在府南三里二百步有書簾堂茅亭俯清亭

候寫亭

丞解在縣內東偏

簿解在縣內西偏

尉解在縣西北八里一百八十步有大雅堂紹興中尉東陽沈山作記山字魯山本姓陳登科時為沈氏復歸姓仕至秘書省正字

三江巡檢解在縣東北三十五里

監三江鹽場解在縣東北二十里

監錢清鎮堰解監錢清鹽場解並在縣西北五十里鎮

錢清鎮在縣西北五十里

場

錢清鹽場在縣西北五十里

望嵯縣本漢剡縣

道書云兩火一刀可以逃言剡多名山可以避災也

宣和二年

改今名縣有嵯山水經注嵯山與嵯山峯嶺相連又云東有簞山南有黃山西有西白山為縣之秀峯嵯山在北乃四山為嵯之義在府東南一百八十里東西二百七十六里南北一百七十六里

東至慶元府奉化縣界一百四十里以陸照嶺為界

自界至奉化縣一百里

西至諸暨縣界一百三十六里以勞嶺為界自界至
諸暨縣七十三里

南至新昌縣界一十五里以胡埭為界自界至新昌
縣一十五里

北至會稽縣界五十五里以池湖驛為界自界至會
稽縣一百四十里

東南到新昌縣界一十五里

西南到婺州東陽縣界九十里

東北到會稽縣界六十二里

西北到會稽縣界六十二里

道路

水路附

東路來自慶元府奉化縣界經縣界一百七十六里

西入諸暨縣界

南路來自新昌縣界經縣界一百七十六里北入會

稽縣界

剡溪路西南來自婺州東陽縣界經縣界一百四十里東北入上虞縣界春夏勝舟一百石

二十七鄉

崇信鄉在縣東二十五里管里五

休祥里 甘泉里 竹山里 懷安里 剡中里

莖節鄉

舊經莖音無字書莖莖之字如此本草通作蕪

在縣東二十里管里

五

灌濤里 昇仙里 馴翟里 思善里 澄江里

靈山鄉在縣東三十里管里五

欽義里 下闡里 靜安里 守義里 崇孝里

金庭鄉在縣東四十五里管里五

昌化里 善政里 惟新里 永寧里 緣德里

忠節鄉在縣東七十里管里五

三峯里 孝嘉里 石鼓里 忠節里 修仁里

孝嘉鄉在縣東七十里管里五

石鼓里 桐柏里 安樂里 忠節里 安義里

孝節鄉在縣西三十里管里五

新豐里 從化里 招賢里 綏安里 方山里

崇仁鄉在縣西二十五里管里五

感化里 霞邱里 靜林里 歸善里 愛敬里

永富鄉在縣西四十里管里五

克遜里 西清里 東聞里 餘風里 禪房里

永安鄉在縣西六十里管里五

澄清里 懷善里 依賢里 化信里 清安里

正順鄉在縣西七十里管里四

長敬里 新安里 溫泉里 慈烏里

清化鄉在縣西三十里管里五

懷善里 開明里 欽賢里 習善里 招賢里

羅松鄉在縣西四十五里管里五

紫巖里 雙壁里 中川里 斷金里 豐樂里

剡源鄉在縣西五十里管里五

尊賢里 澹城里 中和里 光明里 積善里

昇平鄉在縣南一十五里管里五

永霞里 靜豐里 尚賢里 大和里 伍山里

仁德鄉在縣南五里管里五

甘棠里 永樂里 餘糧里 歸仁里 金塘里

方山鄉在縣南一十五里管里五

金節里 永壽里 懷仁里 通山里 光德里

禮遜鄉在縣南一十五里管里五

長安里 仙林里 平樂里 懷忠里 新安里

桃源鄉在縣南三十里管里五

永闡里 白泉里 長樂里 崇信里 安居里

積善鄉在縣南三十里管里五

南巖里 雙壁里 中川里 斷金里 豐樂里

台化鄉在縣南三十五里管里五

馴善里 攀轅里 鳴絃里 戴星里 遷星里

開元鄉在縣南四十里管里五

靜居里 迴鄉里 招仁里 居賢里 冰魚里

太平鄉在縣南六十里管里五

碧潭里 擇賢里 懷仁里 建昌里 懷信里

康樂鄉在縣北三十里管里五

遊謝里 宿剡里 竹山里 康樂里 感化里

遊謝鄉在縣北三十里管里五

康樂里 明登里 宿星里 冥投里 吹臺里

靈芝鄉在縣北四十五里管里四

石床里 東節里 正筠里 化善里

城池

舊經云縣城周一十二里高一丈二尺厚二丈孔曄
記云縣治本在江東吳賀齊為令始移今縣城蓋
齊所創也南臨大溪溪流湍暴至慶元初為水所
齧存者纔二三尺知縣葉範累石為堤百餘丈城
賴以全後二年水復東渡堤提舉常平李公大性
給千緡創築又明年秋水大至壞城知縣周悅增
築一百二十餘丈縣門臨江有東渡南渡西渡而

南門常闔不開相傳以為開即有寇盜之患

官解

知縣解在縣城內

丞解在縣東南七十步

簿解在縣西三十步

尉解在縣東南百步

監酒稅解在縣東南二百步

倉場

米倉在縣北一十步

驛料庫在知縣廨東一十步今廢

稅務在縣東南五十步

酒務在縣西南五十步

鎮

剡鎮在縣東南一百步今廢

按舊經所載如此今遺迹不可復攷近邑民於縣西南惠安寺前池中得片石題贍都鎮下有文

云當鎮奉勅旨重開河道闕池子以防火燭闕

己丑之歲二闕日開此淨池闕畢功故紀于此

後漫不可辨所謂瞻都鎮疑即舊鎮也然以剡

為瞻又天慶觀有錢氏時東都公移稱兩都都

軍糧帖檢先據瞻縣奏云云

錢氏僭稱杭州西都越為東都號兩

都據此則錢氏嘗改剡為瞻矣疑因古語有兩火一刀之說惡其不祥改為豐瞻之瞻理或然也宣和中方寇初平宣撫司亦乞改剡為嵯其意殆亦出于此宣撫使者乃童貫也其意卑陋與錢氏畧同方其擅權所請無不從固不獨此也

蛟井鎮在縣西南一十五里

按舊經所載刻石山山下有井井中有蛟因是為

名

宣和四年置

望諸暨縣本越王允常所都或言西有楮山北有槩浦諸大省暨音近因山浦以為名也或言無諸舊封夫槩故邑上取諸下取槩因封邑以為名也在府西南一百四十二里東西一百六十里南北一百六十一里

東至嵎縣界八十三里以茆硯嶺為界自界至嵎縣

一百二十六里

西至臨安府富陽縣界八十一里以黃峴嶺為界自
界至富陽縣一百二十六里

南至婺州浦江縣界七十里以新界官道為界自界
至浦江縣五十里

北至蕭山縣界九十一里以南亭浦為界自界至蕭
山縣九十二里

東南到婺州東陽縣一百二十里

西南到臨安府富陽縣界五十里二百步

東北到山陰縣界八十一里

西北到蕭山縣界七十里

道路

水路附

東路來自嵊縣界經縣界一百六十三里西入臨安府富陽縣界

南路來自婺州浦江縣界經縣界一百六十里

闕

入

蕭山縣界

東南路來自婺州東陽縣界經縣界二百里東北入
山陰縣界

西路來自臨安府富陽縣界經縣界一百二十里西
北入蕭山縣界

浣江路東南來自安俗鄉界經縣界九十一里北入
蕭山縣界勝二百石舟

二十四鄉

陶朱鄉在縣西三步管里四

前應里 茅渚里 長山里 白隅里

安俗鄉在縣東二十步管里五

丁橋里 無潭里 東朱里 砂袋里 烏石里

長泰鄉舊名永泰在縣東北二十五里管里十

望海里 桑溪里 竹熱里 魚魯里 鄭墅里

竹橋里 皂山里 新城里 古塘里 檣隴里

開元鄉在縣西北一十五里管里二

溪印里 下墅里

山鄉在縣北二十五里管里五

白門里 像湖里 晚浦里 下浦里 中浦里

靈泉鄉在縣西三十里管里五

後金里 石蟹里 地岸里 高家里 斗泉里

金興鄉在縣西北二十里管里四

平泉里 稠水里 惠渚里 佳亭里

天稠鄉在縣西南三十里管里四

里湖里 坎頭里 硯石里 高塘里

超越鄉在縣南五十里管里四

乾溪里 同古里 前山里 塘頭里

諸山鄉在縣西南五十里管里三

梅山里 青潭里 野畝里

槩浦鄉在縣西五十里管里六

陳宅里 大馬里 塗塘里 獨山里 婁下里

南安里

義安鄉在縣西北六十里管里六

俞宅里 迴隊里 茹繩里 朱墓里 洩下里
里亭里

長寧舊名永寧鄉在縣東三十五里管里五

步溪里 大坑里 石廢里 馬塘里 黃山里
花亭鄉在縣東南四十里管里五

天林里 白杜里 徐岸里 五竈里 後岸里
長浦鄉在縣南六十里管里二

興樂里 赤岸里

大部鄉在縣東六里管里三

白水里 白豐里 安樂里

長阜鄉舊名永昌鄉在縣東七十里管里二

上劉里 前塘里

西長安鄉在縣東北六十里管里七

杜汪里 銀下里 竹浦里 吳助里 祕浦里

孔胡里 祈祈里

東長安鄉舊名永安鄉在縣東北七十五里管里五

屠里 胡部里 招桂里 杜塢里 烏程里

紫巖鄉在縣北七十五里管里八

黃閣里 盛後里 金汀里 樂厨里 白厯里

中里 琴塢里 牛格里

孝義鄉在縣東南七十里管里十

流子里 杜坑里 胡塗里 白水里 程演里

白隅里 黃碧里 官園里 小際里 錢里

開化鄉在縣東南七十五里管里十

沉坑里 苦竹里 峽山里 岳風里 潭裏里

算溪里 福田里 演溪里 獨山里 大門里

龍泉鄉在縣南六十里管里四

板橋里 黃擇里 樓子里 黃畝里

同山鄉在縣南七十里管里三

西坑里 東向里 豐江里

城池

縣城內二里四十八步高一丈六尺厚一丈

見舊經

唐

開元中令羅元開建東北門天寶中令郭密之建西南門天祐初吳越武肅王嘗遣裨將王永修之今廢

解舍

知縣解在縣城內有琴堂

闕

五十步有種學堂清暉閣

闕

薄解在縣西南三十步

嘉泰元年丁君密重建陸華大游為作記有逍遙齋雙蓮

亭亭下舊有池頻歲產異蓮駢跗故以名焉

尉廨在縣東六十步有窺月臺

鎮

南安鎮在縣西五十里今廢

楓橋鎮在縣東北五十里舊為驛大觀二年立鎮淳熙初為義安縣今復為鎮

倉場務

治附

省倉在縣廨東廡之後

常平倉在省倉東

鹽倉在縣西北二十步

見舊經

酒務在縣西南一百五十步

稅務在縣東南一百五十步

銀冶在縣南六十里今廢

望蕭山縣本吳王闔閭弟夫槩之邑以縣西蕭山為名
在府西北一百里九十步東西六十二里南北九十里
東至山陰縣界五十里以西小江中流為界自界至
山陰縣五十三里

西至臨安府錢塘縣界二十三里以浙江中流為界

自界至錢塘縣三十里

南至諸暨縣界六十五里以勞嶺為界自界至諸暨縣六十五里

北至臨安府錢塘縣三十五里以浙江中流為界自界至縣四十七里

東南到山陰縣界五十一里

西南到臨安府錢塘縣界四十八里

東北到山陰縣界四十九里

西北到臨安府錢塘縣界一十五里

道路

水路附

東路來自山陰縣界經縣界六十二里西入臨安府
錢塘縣界

南路來自諸暨縣界經縣界九十里北入臨安府鹽
官縣界

浦陽江路南來自諸暨縣界經縣界一百五十六里
北入山陰縣界勝舟二百石

運河路東來自山陰縣界經縣界六十二里西入臨
安府錢塘縣界勝舟二百石

一十五鄉

昭明鄉在縣東南二百步管里五

縣南里 小鳳里 龔墅里 開明里 社頭里

由化鄉在縣東北二里管里八

趙墅里 永豐里 五里 安射里 賓浦里

秦君里 去虎里 勞湖里

崇化鄉在縣西南五十步管里九

陳村里 徐潭里 百步里 朱村里 黃村里

趙村里 史村里 社壇里 許君里

履仁鄉在縣東一十三里管里七

東京里 下浦里 陳墅里 楊新里 佳浦里

楊東里 楊南里

鳳儀鄉在縣東四十里管里十六

白鶴里 義里 周里 瓜歷里 章浦里

新田里 園里 龕山里 中義里 路西里

佳浦里 童市里 塘頭里 丁里 翔鳳里

長巷里

夏孝鄉在縣西十二里管里八

山宅里 范巷里 許村里 斜橋里 杜湖里

寺庄里 城東里 城西里

長興鄉舊名永興在縣西三十五里管里三

雞鳴里 安正里 亞父里

安養鄉在縣西南三十五里管里五

清德里 靜居里 橫塘里 羅村里 魚潭里

來蘇鄉在縣南二十里管里二

招蘇里 朱汀里

苧蘿鄉在縣南二十二里管里五

安國里 孔湖里 臨浦里 西施里 朱里

許賢鄉在縣西南二十七里管里五

開善里 三基里 謝山里 馬閣里 遙里

新義鄉在縣西南三十里管里五

前豪里 莫浦里 峽下里 冗里 河由里

桃源鄉在縣南四十里管里五

通遠里 崇山里 方山里 曹塢里 永福里

孝悌鄉在縣西南七十里管里五

白墅里 香橋里 鄭村里 兔沙里 盛里

長山鄉在縣西南一百二十里管里五

兔沙里 許賢里 高屯里 安神里 高塢里

城池

縣城周一里二百步高一丈八尺厚一丈一尺

見舊經今

不存

廨舍

知縣廨在縣城內

丞廨在縣西北一百一十五步

簿廨在縣西三十五步

尉廨在縣北一百步

監務解在縣西二百一十步

監西興岸使臣解在縣西一十二里

見舊經

監魚浦口使臣解在縣南三十五里二百步

見舊經

鎮

西興鎮在縣西一十二里

漁浦鎮在縣南三十五里

倉場務

省倉在縣南真濟橋北之東

西興受納米倉在縣西一十二里

見舊經今為捍江卒營

稅務在縣西北一里

西興商稅倉在縣西一十二里

隆興二年以浙江沙漲商旅不復行移置

東新林在縣東二十里

漁浦稅場在縣南三十五里

溪口稅場在縣南五十里

林浦稅場在縣南三十里

酒務在縣北一百二十里

見舊經

西興酒務在縣西一十二里

見舊經

漁浦酒務在縣南三十四里二百三十步

見舊經

望餘姚縣周處風土記云舜後支庶所封舜姓姚故曰
餘姚在府東北一百四十七里東西六十里南北二百
六十里

東至慶元府慈谿縣界一十里以桐下橋為界自界
至慈谿縣八十里

西至上虞縣界四十五里以新橋為界自界至上虞

縣二十里

南至嵯縣界一百六十一里以蔡州山為界自界至

嵯縣三百里

北至海三十五里過海北岸接平江府界

東南到慶元府慈谿縣界三十五里

西南到上虞縣界四十五里

東北到慶元府慈谿縣界八十里

西北到上虞縣界六十里

道路

水路附

東路來自慶元府慈谿縣界經縣界六十里西入上虞縣界

南路來自嵯縣界經縣界二百六十里北至海岸過海入平江府界

餘姚江路西來自上虞縣界經縣界五十五里東入慶元府慈谿縣界勝舟五百石

一十五鄉

東山鄉在縣西北四十五里管里六

李春里 姚娘里 安僧里 余福里 余支里

蔣德里

蘭風鄉在縣西北五十五里管里六

孫兒里 惠藥里 施金里 馮明里 大悲里

班兒里

四明鄉在縣南六十一里管里四

白雲里 趙余里 梁政里 蔣吳里

雲柯鄉在縣西北三十五里管里五

信天里 承福里 神綠里 天養里 僧保里

關

在縣西北四十五里管里四

俞成里 王壽里 壽答里 黃金里

關

在縣西北五十里管里五

汝仇里 宣訓里 閣荊里 成余里 趙猛里

燭溪鄉在縣西一里管里六

峯山里 吉太里 王勝里 王祐里 周班里

周義里

冶山鄉在縣東一里管里四

萬歲里 賈福里 景安里 賀恩里

龍泉鄉在縣北三十里管里六

羅浼里 傅太里 大慶里 王保里 施惠里

駱德里

梅川鄉在縣東北三十五里管里四

劉榮里 長慶里 戴福里 謝芳里

上林鄉在縣東北七十里管里五

石仁里 嚴順里 祁恩里 田熟里 王惠里

通德鄉在縣東南三十五里管里四

仁歸里 再生里 仁德里 多兒里

雙鴈鄉在縣東南一里管里四

中埭里 南雷里 國霸里 王安里

鳳亭鄉在縣南一里管里三

許君里 顧伴里 宋恩里

雲樓鄉在縣西南二十里管里四

九功里 永明里 神護里 王政里

城池

縣城周一里二百二十五步高一丈厚二丈按會稽

記云吳將朱然為令時所築

見舊經
今不存

解宇

知縣解在縣城內負秘圖山有清心堂不欺堂鑒止
軒翠竇亭秀野亭高風閣李祺壽重建未備而去

後十一年吳興施宿來知縣事始一新之閣據秘
圖山之麓前對南山為一邑佳處閣之下即有嚴
公堂閣後有亭名釣隱嚴光墓在其北翰墨堂舊
有芙蓉亭施君刊東坡先生帖甚衆臨印常楮繼
之盡裒諸帖堂上因以名焉

丞解在縣東八十步有小室名龜巢

簿解在縣東五十步

尉解在縣東一里有二槐堂史丞相浩魏丞相杞相

繼為尉後人遂因以為名

監酒稅廨在縣西五十一步

見舊經
今不存

倉場務

米倉在縣西北二十步

稅務在縣東一百五十步

賣茶鹽場在縣東一百五十步

見舊經
今不存

酒務在縣東一百五十步

戶部犒賞酒庫二一在蘭風鄉去縣六十里一在雲

樓鄉去縣二十里今徙上虞縣五夫鎮

石堰鹽場去縣二十里

望上虞縣十三州志云夏禹與諸侯會計因相虞樂於
此地故曰上虞在府東一百二十里東西五十三里南
北一百一十里

東至餘姚縣界二十八里以新橋為界自界至餘姚
縣四十五里

西至會稽縣界二十八里以曹娥江中流為界自界

至會稽縣九十二里

南至嵎縣界七十里以郁嶺石床鋪為界自界至嵎

縣六十里

北至海四十五里過海北岸即嘉興府界

東南到餘姚縣界四十五里

西南到嵎縣界九十里

東北到餘姚縣界二十里

西北到會稽縣界八十七里

道路

水路附

東路東來自餘姚縣界經縣界五十三里西入會稽縣界

南路南來自嵎縣界經縣界一百一十里北至海岸過海入嘉興府界

上虞江路在縣西二十八里南來自嵎縣界經縣界一百九十里西入會稽縣界大信潮勝五百石舟小信潮勝二百石舟

運河路在縣南二百二十二步東來自餘姚縣界經
縣界五十三里六十步西入會稽縣界勝二百石
舟

一十四鄉

上虞鄉在縣西六里管里一

蘭芋里

上管鄉在縣南一十里管里一

舊瑞像
上鄉

孝義里

